



### 20 RATU FASHION

**GALORE** Siapa tidak mengenali figura fesyen paling dihormati, mendiang Isabella Blow. Kariernya bermula pada awal 80-an ketika itu Anna Wintour hanya bekerja sebagai pembantu di US Vogue. Blow pernah bekerja di bawah majalah Tatler, British Vogue dan Pengarah Fesyen Sunday Times Style. Kemasyhuran peragawati Sophie Dahl, Stella Tennant, pereka Alexander McQueen dan Philip Treacy antara baktinya terhadap dunia fesyen. Jangan lepaskan peluang untuk menyaksikan koleksi ratusan pakaian dan aksesori oleh Isabella Blow di *Somerset House, Embankment Galleries*.

**20 JEWEL BY JAR** Pameran di Metropolitan Museum of Art menghimpunkan 300 jenis rekaan eksklusif batu permata mewah yang mendapat sentuhan pakar pembuatan barangan kemas selama 35 tahun iaitu Joel A. Rosenthal. Sewaktu berada di Kota Paris, Rosenthal bekerja di bawah syarikat Jar dan bermulalah kariernya sebagai pereka barangan kemas terkemuka. Rosenthal terkenal dengan pemilihan batu permata berkualiti, penggunaan teknik *pave* secara halus dan teliti. Bagi keterangan lanjut, sila layari laman web: [www.metmuseum.org](http://www.metmuseum.org).

**22 IKON MASA** A Journey Through Time kembali lagi. Sidang horologi yang bermula dari 22 hingga 29 November ini bakal mengetengahkan jam tangan rekaan terbaru buat tatapan peminat dan pengumpul jam tanah air. Inisiatif yang diusulkan oleh Starhill Gallery ini menyaksikan penyertaan banyak jenama terkemuka, antaranya ialah Chopard, Rolex, Omega, Jaeger-LeCoultre, Audemars Piguet, Hublot, Gubelin, Van Cleef & Arpels serta Carrera Y Carrera. Tahun ini lebih istimewa apabila Garrard, Damiani dan Mouawad juga turut serta.

**30 PEMENTASAN FILEM CHARLIE CHAPLIN** Dewa Orkestra Filharmonik Malays akan menampilkan sebuah kisah filem klasik kegemaran ramai, Charlie Chaplin di bawah pimpinan konduktor Timothy Brock. Pentas diubahsuai dengan liputan ais warna keemasan Alaska serta rentak komedi bersesuaian mengikut tema 'The Gold Rush'. Orkestra ini hanya berlangsung selama dua hari sahaja, tunggu apa lagi? Ayuh tempah tiketnya sekarang!